

Ўзбекистон Республикаси Оила ва хотин-қизлар давлат қўмитасининг
2022 йил “ 29 ” апрелдаги 16–сон
буйруғига
6-илова

**Ўзбекистон Республикаси Оила ва хотин-қизлар давлат қўмитаси, унинг
худудий бўлинмалари ходимлари ҳамда маҳаллалардаги хотин-қизлар
фаолларининг этика ва коррупцияга қарши қурашиш соҳасида
ўқитилишини ташкил этиш бўйича**

ЙЎРИҚНОМА

1-боб. Умумий қоидалар

1. Ушбу Йўриқнома Ўзбекистон Республикаси Оила ва хотин-қизлар давлат қўмитаси (кейинги ўринларда – Кўмита), унинг худудий бўлинмалари ҳамда маҳаллалардаги хотин-қизлар фаолларида (кейинги ўринларда – Кўмита тизими) ходимларнинг этика ва коррупцияга қарши қурашиш масалалари бўйича ўқитилишини ташкил қилиш юзасидан тавсия ва қўлланмаларни белгилаб беради.

2. Ушбу Йўриқнома коррупциявий харакатларнинг олдини олиш ва уларни содир қилишга хизмат қиласидан сабабларни бартараф этиш, ходимларнинг хуқуқий онгини ошириш ва уларни Ўзбекистон Республикаси қонунчилиги ва Кўмита тизимининг бошқа ички хужжатларига қатъий риоя қилиш руҳида тарбиялашга қаратилган.

3. Кўмита тизими ходимларини этика ва коррупцияга қарши қурашиш соҳасида ўқитиш (кейинги ўринларда – Ўқитиш) дастурлари ва материаллари Ўзбекистон Республикаси қонунчилиги ва ушбу Йўриқномага мувофиқ ишлаб чиқилади.

2-боб. Ўқитишнинг асосий тамойиллари

4. Кўмита тизими ходимларини Ўқитиш қўйидаги тамойилларга асосланади:

холислик ва илмийлик – этика ва коррупцияга қарши қурашиш соҳасидаги ўқув материалларни тайёрлаш учун масъул шахслар уларнинг Ўзбекистон Республикаси қонунчилиги талаблари, халқаро стандартлар ҳамда этика ва коррупцияга қарши қурашиш назарияси ва амалиётига доир илмий тадқиқотлар натижаларига мувофиқлигини таъминлайди;

амалий жиҳатдан қулайлик – кўмита тизими ходимларини Ўқитиш шакллари, усуллари ва материаллари амалий аҳамиятга эга бўлиши, реал вазиятларга асосланиши, шунингдек ходимлар томонидан олинган билимларни тушуниш даражаси ва уларни аниқ амалий вазифаларни ҳал этишда қўллаш имкониятини назорат қилинишини ўз ичига олиши лозим;

кетма-кетлилик ва тизимлилик – этика ва коррупцияга қарши қурашиш соҳасидаги ўқув материаллари, шунингдек қўмита тизими ходимларини ўқитиш

тартиби изчил ва тузилмавий-мантиқий тизимни ифодалайди. Ўқитиш умумий тушунчалар ва воқеликлардан жузъийларига, оддийдан мураккабга, бошлангичдан мукаммалга ва ҳ.к ўтиш асосида амалга оширилади;

ҳаммабоплик – ўқитиш қўмита тизими ходимларининг жорий билимлари ва қўникмаларини ҳисобга олиш, қўмита тизимининг барча ходимлари учун тушунарли бўлган ўқув материалларини шакллантириш;

дифференциаланган ёндашув – қўмита тизимида коррупцияга қарши ўқитиш аниқ функциялар ва тартиб-таомиллардаги коррупциявий хавф-хатар натижаларини ҳисобга олади. Коррупциявий хавф-хатарларга энг кўп мойил бўлган лавозимларни эгаллаб турган ходимлар коррупцияга қарши қўшимча равишида маҳсус ўқитилади;

ўқитиш усуллари ва шаклларини доимий равишида такомиллаштириш – қўмита тизими ўқув материалларини ишлаб чиқиш, ўқитиш, шунингдек қўмита тизими ходимлари томонидан билимлар ўзлаштирилганини текшириш вақтида техник ва илмий тараққиётнинг инновацион ютуқларидан фойдаланишга ҳаракат қиласди.

3-боб. Ўқитишнинг устувор вазифалари

5. Ўқитиш шакллари ва усулларини аниқлашда, шунингдек этика ва коррупцияга қарши курашиш соҳасидаги ўқув материалларини шакллантиришида қўмита тизими ходимларини этика ва коррупцияга қарши курашиш соҳасида ўқитиш учун масъул шахслар қуидаги устувор вазифаларга таяниши лозим:

коррупция моҳияти, унинг жамият хаётининг турли соҳалари, қўмита тизимининг функция ва тартиб-таомилларида пайдо бўлиш шакллари ва ўзига хос жиҳатлари, сабаблари, ижтимоий жиҳатдан хавфли ва заарли оқибатлари тўғрисида умумий тасаввурни шакллантириш;

Ўзбекистон Республикаси қонунчилиги, қўмита тизимининг Коррупцияга қарши кураш сиёсати билан белгиланган этика ва коррупцияга қарши хулқ-авторнинг аҳлоқий қадриятлари ва қўмита тизимининг бошқа ички хужжатларига қатъий ва сўзсиз риоя қилишга асосланган хулқ-автор моделини шакллантириш;

Кўмита тизими ходимларини қўмита тизимида амал қилувчи коррупцияга қарши кураш тамойиллари, талаблари ва тартиб-таомиллари билан таништириш;

коррупциявий хавф-хатарларни келиб чиқишига хизмат қилувчи шарт-шароитларни аниқлаш ва уларнинг олдини олиш қобилиятини шакллантириш, коррупциявий хулқ-автор, қўмита тизимининг этик хулқ-автор қоидалари бузилишига нисбатан тоқатсизликни намоён этиш.

4-боб. Ўқитишни ишлаб чиқиш ва ўтказишга масъул шахслар

6. Кўмита тизимининг кадрлар тузилмалари қўмита тизими ходимларини Ўқитиш режаларини тайёрлаш, тегишли ўқув материалларини ишлаб чиқиш, ўқитиш, шунингдек қўмита тизимида бундай ўқитишни мониторинг ва назорат қилиш учун масъулдир.

7. Кўмита марказий аппарати комплаенс назорати бўйича бош мутахассис (кейинги ўринларда – Бош мутахассис) қўмита тизими ходимларини Ўқитиш

режаларини тайёрлашда иштирок этади, коррупцияга қарши кураш соҳасидаги ўқув материалларни ишлаб чиқади, ўқитиш ўтказилишини мувофиқлаштиради.

8. Кўмита тизимининг Кадрлар тузилмалари ўқитиш интизомий ва унга доир ахборотлар йиғилишини назорат қиласди.

9. Кўмита тизими Комплаенс назорат хизмати бош мутахассиси ва Кадрлар тузилмаси тегишли тажрибага эга халқаро ёки маҳаллий ташқилотлар билан тузилган шартномалар (кўмита тизимида белгиланган тартибда) асосида ўқув материалларини тайёрлаш ҳамда Ўқитишни амалга ошириш учун учинчи шахсларни жалб қилиши мумкин.

5-боб. Ўқитиш турлари ва шакллари

10. Ўқитиш қуйидаги ўқув дастурларини кўзда тутиши лозим:

барча ходимлар учун коррупцияга қарши умумий ўқитиш;

Кўмита тизими ходимларининг этик хулқ-атвори қоидалари бўйича умумий ўқитиш;

коррупциявий хавф-хатарга энг кўп мойил бўлган лавозимлар учун коррупцияга қарши маҳсус ўқитиш;

кўмита тизимида коррупцияга қарши курашиш тизимининг амал қилиши ва ривожланиши учун масъул бўлган ходимлар учун коррупцияга қарши маҳсус ўқитиш.

11. Умумий коррупцияга қарши ўқитиш ва маҳалла тизими ходимларининг этик хулқ-атвори қоидалари бўйича умумий ўқитиш қўмита тизимининг барча ходимлари учун мажбурий хисобланади.

12. Кўмита тизимининг барча ходимлари учун коррупцияга қарши умумий ўқитиш амалий йўналтирилган бўлиши ва қуйидаги янги билимларга эга бўлиш ёки мавжуд билимларни тақрорлаш имкониятини яратиши лозим:

Ўзбекистон Республикасининг коррупцияга қарши қонунчилиги, қўмита тизимининг коррупцияга қарши курашиш масалалари, жумладан ўрнатилган таъқиқлар, чекловлар, ҳуқуқ ва мажбуриятлар, хизмат хулқ-атворига қўйилган талаблар, қўмита тизими ходимларининг коррупциявий ҳаракатлари аниқланганда ҳаракатлар кетма-кетлигига доир ички ҳужжатларини билиш;

коррупцияга қарши курашиш, манфаатлар тўқнашуви ва коррупцияга қарши бошқа талаблар соҳасидаги ҳуқуқни қўллаш амалиётiga доир билимлар;

олинган билимларни қўллаш кўнималари, жумладан қўмита тизимининг турли фаолият соҳаларидаги коррупциявий хавф-хатарларни баҳолаш қобилияти, қўмита тизимида ўрнатилган коррупцияга қарши кураш чораларини амалиётда қўллай билиш.

Коррупцияга қарши умумий ўқитиш материалларига киритиш учун мазкур Йўриқномага 1-иловада келтирилган мавзулардан фойдаланиш тавсия этилади.

13. Кўмита тизими ходимларининг этик хулқ-атвор қоидалари бўйича умумий ўқитиш қўмита тизимининг барча ходимлари учун амалий йўналтирилган бўлиши ва қўмита тизимида қабул қилинган этика тамойиллари ва қоидаларига доир янги билимларга эга бўлиш ёки бор билимлар тақрорланишини таъминлаши лозим.

14. Қўмита тизими ходимлари умумий коррупцияга қарши ўқитиш ва қўмита тизими ходимларининг этик хулқ-атвори қоидалари натижалари бўйича ўрганилган материал қанчалик ўзлаштирилгани ва тушунилганлиги ҳамда олинган билим ва кўнилмаларни амалиётда қўллаш имкониятини текширишга қаратилган тест синовлари топшириши лозим.

15. Қўмита тизими ходимлари саволларнинг камидаги 80 фоизига тўғри жавоб берган тақдирда коррупцияга қарши умумий ўқитиш ва қўмита тизими ходимларининг этик хулқ-атвори қоидаларини муваффакиятли ўзлаштирган ҳисобланади. Агар ходим саволларнинг 80 фоизидан камига тўғри жавоб берган бўлса, у такрорий тест синовларини тест топширган кундан бошлаб 5 иш куни ичида топшириши мумкин.

16. Коррупциявий хавф-хатарга энг кўп мойил бўлган лавозимлар учун маҳсус коррупцияга қарши ўқитиш коррупцияга қарши умумий ўқитишдан мустақил (қўшимча) равища ўтказилади.

17. Коррупциявий хавф-хатарга энг кўп мойил бўлган лавозимлар рўйхати қўмита марказий аппарати ва ҳудудий, таркибий бўлинмаларида коррупциявий хавф-хатарларни баҳолаш услубиётига мувофиқ шакллантирилади.

18. Коррупциявий хавф-хатарга энг кўп мойил бўлган лавозимлар учун коррупцияга қарши маҳсус ўқитиш қўйидагилар тўғрисидаги маълумотни ўз ичига олиши лозим:

коррупциявий хавф-хатарга энг кўп мойил бўлган аниқ функция ва тартиб-таомиллардаги коррупциявий хавф-хатарларни аниқлаш ва минималлаштириш усуслари;

коррупциявий хавф-хатарга энг кўп мойил бўлган аниқ функция ва тартиб-таомиллардаги коррупциянинг намоён бўлиш шакллари ва турлари;

учинчи шахслар билан ўзаро алоқа қилишда коррупциявий хавф-хатарга энг кўп мойил бўлган аниқ функция ва тартиб-таомилларга хос бўлган коррупцияга қарши талаблар;

коррупциявий хавф-хатарга энг кўп мойил бўлган аниқ функцияларни амалга оширишда қўлланиладиган қўшимча талаб ва тартиб-таомилларни ўз ичига оловчи ички ҳужжатлар.

19. Қўмита тизимида коррупцияга қарши курашиш тизимининг амал қилиши ва ривожланиши учун масъул ходимларни коррупцияга қарши маҳсус ўқитиш йилига камидаги бир марта малака ошириш шаклида (семинар, тренинг ва бошқа) коррупцияга қарши кураш соҳасидаги эксперталарни жалб қилиш, шунингдек бундай ўқитишларга ихтисослашган ваколатли учинчи шахслар (ташкилотлар) томонидан ташкил этиладиган тренингларда иштирок этиш орқали ўтказилади.

20. Қўмита тизимида коррупцияга қарши курашиш тизимининг амал қилиши ва ривожланиши учун масъул ходимларни коррупцияга қарши маҳсус ўқитиш Ўзбекистон Республикасининг коррупцияга қарши курашиш бўйича қонунчилигидаги ўзгаришлар, коррупцияга қарши тизимларни шакллантириш ва давлат органларида коррупциянинг олдини олиш тадбирларини амалга ошириш борасидаги илғор халқаро методикаларни ўрганишни ўз ичига олиши лозим.

21. Ушбу Йўриқноманинг 19-бандида кўрсатиб ўтилган малака ошириш ва тренинглардан ўтиш йилига камидан 10 (ўн) соатни ўз ичига олиши лозим.

6-боб. Ўқитиш муддатлари ва даврийлиги

22. Ўқитиш Ўзбекистон Республикаси қонунчилиги ва Кўмитанинг ички хужжатларида кўзда тутилган мажбурий малака ошириш доирасида ўқитиш, учинчи шахслар билан қўшма конференциялар, йиғилишлар, симпозиумлар ўтказилишидан қатъий назар амалга оширилади.

23. Кўмита тизими ходимлари этика ва коррупцияга қарши кураш соҳасида йилига камидан бир марта ўқитилади.

24. Кўмита тизими ходимлари қўйидаги ҳолларда коррупцияга қарши курашиш бўйича йилига бир мартадан кўп ўқитилади:

ходим коррупциявий хавф-хатарга энг кўп мойил бўлган лавозимни эгаллаб турган бўлса;

лавозимга тайинланганда ва ротация қилинганда, агар шахснинг янги лавозими коррупциявий хавф-хатарга энг кўп мойил бўлган лавозимлар рўйхатига кирса;

кўмита тизимида коррупциявий ҳаракатлар билан боғлиқ ҳолатлар аниқланганда ёки амалга оширилаётган функция/тартиб-таомилнинг коррупциявий хавф-хатар даражаси ортганда;

Оила ва хотин-қизлар давлат қўмитаси раиси қарорига мувофиқ.

25. Кўмита тизимида ишга қабул қилинган ёки янги лавозимга ўтказилган ходимлар ишга кирган ёки янги лавозимга ўтган вақтдан бошлаб 30 кун ичида коррупцияга қарши ва қўмита тизими ходимларининг этик хулқ-атвори қоидалари бўйича умумий ўқитилиши шарт.

Ўқув санасини белгилашда этика ва коррупцияга қарши курашиш соҳасида ўқитишнинг тасдиқланган йиллик жадвали, гурухда бўш ўринлар борлиги (кундузги ўқув шакли учун) ва мазкур Бобнинг 22-23 бандларида кўзда тутилган ўқитиш муддатлари ва даврийлигига амал қилиш зарурати ҳисобга олинади.

Кейинги коррупцияга қарши умумий ўқитиш ва маҳалла тизими ходимларининг этик хулқ-атвор қоидалари бўйича умумий ўқитиш барча ходимлар учун Кадрлар тузилмаси томонидан йилига бир мартадан кам бўлмаган даврийликда белгиланади.

26. Ходим коррупциявий хавф-хатарга энг кўп мойил бўлган лавозимни эгаллаб тургани билан боғлиқ ҳолатларда ёки ходим шундай лавозимга тайинланганда маҳсус коррупцияга қарши ўқитиш этика ва коррупцияга қарши кураш соҳасида ўқитишнинг йиллик жадвалида белгилangan муддатларда амалга оширилади.

27. Кадрлар тузилмалари ҳар йили Ўқитиш жадвалини тузади ва 31 декабргача уни Оила ва хотин-қизлар давлат қўмитаси раисига тасдиқлаш учун тақдим этади.

Ўқитиш жадвалини тузишда ходимлар томонидан олдинги ўқитиш муддатлари ҳисобга олинади.

Ўқитиш жадвалида албатта ўқитиш курси номи, санаси, шунингдек ўқитиш тайинланган лавозимлар кўрсатилади.

Тасдиқланган жадвалга мувофиқ Кадрлар бўлимининг масъул ходимлари ўқитиши бошланишидан 10 иш кун олдин ходимларни хабардор қиласи. Белгиланган муддатда ўқиш имконияти бўлмаса (*кундузги ўқув шакли учун, масалан юқори мавсумий юклама, касаллик варақаси, режалаштирилган таътил сингари асосли сабаблар*), ходим ўқиш бошланишидан 5 (беш) иш кунидан кечиктирмай ўқишини бошқа санага кўчириш мақсадида Кадрлар тузилмасини огоҳлантириб қўйиши лозим.

7-боб. Ўқитиши интизомини назорат қилиш ва хужжатларни сақлаш

28. Кадрлар тузилмаси қўмита тизими ходимларининг этика ва коррупцияга қарши кураш соҳасида ўқитилишига доир маълумотларни йиғиб боради ва уларни ҳар чорақда қўмита тизимининг бош мутахассисига тақдим этади.

Бош мутахассис олинган маълумотларни таҳлил қиласи (жумладан, ўқув интизоми, ходимлар учун қийинчилик туғдираётган мавзулар ва тест саволлари) ва таҳлил натижаларини коррупцияга қарши тизимнинг амал қилиши ва ривожланиши масалалари бўйича доимий ҳисботларга киритилишини, шунингдек ўқув материаллари корректировка қилинишини (зарурат туғилганда) таъминлайди.

29. Ходим унга тайинланган ўқув ёки унинг натижалари бўйича тест синовларини белгиланган муддатларда ўтмаса, Кадрлар тузилмаси раҳбари бундай ходимнинг раҳбарини унга нисбатан тегишли қарор қабул қилиш мақсадида огоҳлантиради.

30. Ўқитиши жадвали, йўқлама варақалари, тест натижалари, ходим ўқиганлигини тасдиқловчи бошқа хужжатлар Кадрлар тузилмасида сақланади.

8-боб. Якуний қоидалар

31. Ушбу Йўриқнома Ўзбекистон Республикаси қонунчилиги ва қўмита тизимининг ички хужжатларидаги ўзгаришлар қиритилганда, коррупцияга қарши ўқитишини ташкил этиш соҳасидаги илғор халқаро амалиёт ўзгарган тақдирда қайта кўриб чиқилади. Бошқарма Йўриқномага ўзгартериш киритиш учун жавобгар ҳисобланади.

32. Қўмита тизими ходими эгаллаб турган лавозими, иш стажи, мавқеи ва бошқа омиллардан қатъий назар мазкур Йўриқноманинг тамойиллари ва талабларига риоя қилиш учун шахсан жавобгар ҳисобланади.

Ўзбекистон Республикаси Оила ва хотин-қизлар давлат қўмитаси,
унинг худудий бўлинмалари ходимлари ҳамда маҳаллалардаги
хотин-қизлар фаолларининг этика ва коррупцияга қарши
курашиш соҳасида ўқитилишини ташкил этиш бўйича
йўриқномага 1-илова

**Қўмита тизими ходимларини коррупцияга қарши курашиш умумий ўқитишнинг
ТАХМИНИЙ МАВЗУЛАРИ**

Мавзу	Компонентлар
Коррупциянинг табиати	Коррупция тушунчаси, унинг шакллари ва сабаблари; Коррупциянинг ижтимоий-хуқуқий ҳодиса сифатидаги мазмуни; Жамиятда коррупцияга муносабат.
Коррупцияга қарши курашишнинг хуқуқий асослари	Коррупцияга қарши курашиш соҳасидаги қонунчилик; Қўмита тизимида коррупцияга қарши курашишга доир ички хужжатлар; Коррупцияга қарши курашиш бўйича халқаро амалиёт.
Қўмита тизимида коррупцияга қарши курашиш усуллари	Қўмита тизимидағи коррупцияга қарши курашиш тизими элементлари, шунингдек муҳим чоратадбирлар шарҳи; Қўмита тизимидағи манфаатлар тўқнашувининг олдини олиш, аниқлаш ва тартибга солиш; Қўмита тизимининг коррупцияга қарши курашиш сиёсати; Коррупцияга қарши курашиш соҳасидаги ходимлар ва таркибий бўлинмаларнинг мажбурият ва ваколатлари; Маъмурий тартиб-таомиллар ва регламентлардан фойдаланиш. Маъмурий тўсик ва бюрократизмни бартараф этиш; Коррупциявий ҳаракатлар/уларни содир этиш хавфи юзага келган вақтдаги ҳаракатлар; Коррупциявий ҳаракатлар тўғрисида хабар бериш (хабарларни узатиш каналлари, хабарлар мазмунига доир Йўриқнома, хабарларни кўриб чиқиш тамойиллари).
Коррупциявий хавф-хатарлар ва типик коррупциявий ҳаракатлар	Қўмита тизимидағи хавф-хатарлар ва коррупциявий ҳаракатларнинг асосий турлари; Назорат-руҳсат бериш функциялари ва тартиб-таомиллари доирасидаги коррупциявий хавф-хатарлар; Совгалар ва ишбилармонлик меҳмондўстлиги белгилари бериш/олишдаги коррупциявий хавф-хатарлар; Фуқаролар, контрагентлар ва учинчи шахслар билан ўзаро алоқалар билан боғлиқ коррупциявий хавф-хатарлар; Ходимларни маҳалла тизимида танлаб олиш ва ишга қабул қилишдаги коррупциявий хавф-хатарлар;

	<p>Харидларни амалга ошириш билан боғлиқ коррупциявий хавф-хатарлар;</p> <p>Турли хизмат турлари, функциялар учун лицензия бериш, шунингдек лицензия битимлари талаблари ва шартларини бажариш устидан назорат билан боғлиқ коррупциявий хавф-хатарлар;</p> <p>Биноларни ижарага бериш билан боғлиқ коррупциявий хавф-хатарлар;</p> <p>Ўзаро ҳамкорлик ва Оила ва хотин-қизлар давлат қўмитаси ва унинг худудий бўлинмаларида, маҳаллалардаги хотин-қизлар фаоалари фаолиятини мувофиқлаштириш билан боғлиқ коррупциявий хавф-хатарлар;</p> <p>Танловлар билан боғлиқ коррупциявий хавф-хатарлар;</p> <p>Турли хужжат турлари экспертизасини ўтказиш, шунингдек улар ижросини назорат қилиш биланбоғлиқ коррупциявий хавф-хатарлар;</p> <p>Давлат назоратини амалга ошириш билан боғлиқ коррупциявий хавф-хатарлар;</p> <p>Қўмита тизими фаолиятидаги бошқа хавф-хатарлар.</p>
Коррупциявий ҳаракатлар учун жавобгарлик	<p>Коррупциявий ҳаракатлар учун интизомий жавобгарлик;</p> <p>Коррупциявий ҳаракатлар учун жиноий жавобгарлик;</p> <p>Ўзбекистон Республикасининг коррупциявий ҳаракатларга доир ишлари бўйича суд амалиёти шарҳи</p>
Коррупцияга қарши курашишда фуқаролик жамияти роли	<p>Жамоатчилик назорати коррупцияга қарши курашиш воситаси сифатида;</p> <p>Фуқароларнинг хуқуқий маданиятини ошириш;</p> <p>Коррупцияга қарши жамоатчилик фикри ва хулқ-атворини шакллантириш;</p> <p>Фуқаролик жамияти институтларининг Қўмита тизими билан ўзаро ҳамкорлиги.</p>